



Broj : 02-02-2807-6/23-35
Jablanica, 28.12.2023. godine

Na osnovu člana 35, 36. i 46. Zakona o radu Federacije BiH („Službene novine FBiH“, broj: 26/16, 28/18, 23/2020 - odluka US, 49/2021 - dr. zakon, 103/2021 - dr. zakon i 44/2022), člana 64. Zakona o lokalnoj samoupravi HNK („Službene novine HNK“, broj: 4/00), člana 24. stav (1) i (3) Zakona o unutrašnjoj trgovini („Službene novine FBiH“, broj: 40/10 i 79/17), člana 9. Zakona o ugostiteljskoj djelatnosti HNK („Službene novine HNK“, broj: 12/17), člana 34. Zakona o obrtu HNK („Službene novine HNK“, broj: 6/08), člana 7. stav (1) Zakona o javnom redu i miru HNK („Službene novine HNK“, broj: 9/09), člana 15. i 16. Zakona o zaštiti od buke HNK („Službene novine HNK“, broj: 6/18) i člana 18. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20) Općinsko vijeće na sjednici održanoj dana 28.12.2023. godine donijelo je

ODLUKU

o radnom vremenu trgovačkih, ugostiteljskih, obrtničkih i srodnih radnji i djelatnosti na području općine Jablanica

I OPĆE ODREDBE

Član 1.

Ovom Odlukom utvrđuje se raspored radnog vremena u kojem mogu poslovati sva pravna i fizička lica koja se bave trgovinom na veliko i malo, ugostiteljstvom, djelatnosti putničkih agencija, obrtom i obrtničkim srodnim djelatnostima, te organizatori koncerata i manifestacija i priređivača igara na sreću na području općine Jablanica.

Član 2.

Pod radnim vremenom smatra se istaknuto radno vrijeme i raspored dnevnog, sedmičnog radnog vremena, radno vrijeme u neradne dane, te druge povremene načine obavljanja djelatnosti u kojima pravna i fizička lica obavljaju registrovane djelatnosti.

Član 3.

Raspored radnog vremena mora biti istaknut na vidnom mjestu - na ulazu u objekat ili u njegovoj neposrednoj blizini, te se istog moraju pridržavati.



JABLANICA
LJEPOTA ZAPISANA U KAMENU



II POSEBNE ODREDBE

1. RADNO VRIJEME PRAVNIH I FIZIČKIH LICA IZ OBLASTI TRGOVINE

Član 4.

(1) Trgovinama na veliko i malo u kojima se vrši promet prehrambenim proizvodima može se odrediti radno vrijeme svakim danom od 06:00 do 22:00 sata, izuzev nedjeljom i državnim praznicima.

(2) Trgovine tipa - dragstori moraju biti otvorene neprekidno od 00:00 do 24:00 sata svakim danom.

(3) Trgovinama na veliko i malo u kojima se vrši promet neprehrambenim proizvodima može se odrediti radno vrijeme svakim danom od 07:00 do 21:00 sat, izuzev nedjeljom i državnim praznicima.

(4) Radno vrijeme apoteka može se odrediti svakim danom od 07:00 do 21:00 sat osim apoteka koje su određene kao dežurne Odlukom od strane Ministarstva zdravstva, rada i socijalne zaštite HNK, gdje je radno vrijeme određeno od 00:00 do 24:00 sata.

(5) Radno vrijeme trafika može se odrediti svakim danom od 06:00 do 23:00 sata, izuzev nedjeljom i državnim praznicima.

(6) Radno vrijeme benzinskih pumpi može se odrediti svakim danom od 00:00 do 24:00 sata.

(7) Radno vrijeme tržnica na veliko i malo može se odrediti svakim danom od 07:00 do 17:00 sati.

(8) Izuzetno subotom i u dane vjerskih praznika može se odrediti i kraće dnevno radno vrijeme.

(9) Na zahtjev trgovačkih objekata iz stavova (1), (3) i (5) ovog člana u periodu od 15.06. do 15.09. nadležna Služba može dozvoliti i rad nedjeljom.

(10) Odredbe iz stavova (1) i (3) ovog člana ne primjenjuju se na:

- pekare;
- cvjećare;
- suvenirnice;
- objekte obrtničkih i srodnih radnji i djelatnosti.

(11) Odredbe iz stavova (1), (3) i (5) ovog člana ne primjenjuju se na trgovačke objekte koji se nalaze unutar ili su sastavni dio cjeline:

- željezničkih i autobuskih stanica,
- benzinskih pumpi,
- bolnica,
- apoteka,
- hotela, prostora kulturnih i vjerskih objekata, muzeja i parkova prirode;
- groblja i specijalizovane prodavnice vezane za prodaju na grobljima.

Član 5.

(1) Rad pravnih i fizičkih osoba iz oblasti trgovine nedjeljom, praznicima i neradnim danima nije dozvoljen na području općine Jablanica.

(2) Blagdani i neradni dani su oni dani koji su utvrđeni zakonima koji uređuju blagdane i neradne dane u Federaciji Bosne i Hercegovine i Hercegovačko-neretvanskom kantonu, te oni koje proglasi Općinsko vijeće Općine Jablanica.

- Državni praznici su
 - Nova godina (1. i 2. januar)
 - Dan nezavisnosti (1. mart)
 - Praznik rada (1. i 2. maj)
 - Dan državnosti (25. novembar).

2. RADNO VRIJEME UGOSTITELJSKIH OBJEKATA

Član 6.

- (1) Ugostiteljski objekti na području općine Jablanica iz grupe "Hoteli", obavezno rade od 00:00 do 24:00 sata svaki dan, a ostali ugostiteljski objekti mogu raditi:
- a) iz grupe "Restorani" i "Barovi" od 06:00 do 24:00 sata;
 - b) iz grupe "Barovi" koji ispunjavaju uslove za rad noću u skladu sa posebnim propisima, samo u zatvorenim prostorima, najduže do 06:00 sati,
 - c) iz grupe "Restorani" i "Barovi" koji se nalaze izvan naseljenih područja od 00:00 do 24:00 sata;
 - d) u željezničkim i autobusnim stanicama, benzinskim pumpama i slično u radnom vremenu objekta u kojem se nalaze.
- (2) Nadležna Služba može najduže za 2 (dva) sata odlukom produžiti propisano radno vrijeme ugostiteljskih objekata iz stava (1) tačka a) ovog člana.
- (3) Nadležna Služba može po službenoj dužnosti za pojedine ugostiteljske objekte rješenjem najduže za 2 (dva) sata odrediti raniji završetak radnog vremena propisanog stavom (1) tačkama b) i c) ovog člana.
- (4) Iznimno od stava (2) ovog člana, nadležna Služba može za pojedine ugostiteljske objekte iz stava (1) tačka a) ovog člana rješenjem odrediti drugačije radno vrijeme.
- (5) Nadležna Služba odlukom propisuje radno vrijeme ugostiteljskih objekata iz grupe "Objekti jednostavnih usluga".
- (6) Ugostitelj određuje radno vrijeme ugostiteljskih objekata iz grupe "Kampovi i druge vrste ugostiteljskih objekata za smještaj".
- (7) Po završetku radnog vremena ugostitelji su dužni isključiti muziku, a gosti napustiti objekat u roku od 30 (trideset) minuta po isteku radnog vremena.

3. RADNO VRIJEME PRAVNIH LICA PRIREĐIVAČA IGARA NA SREĆU

Član 7.

Priredivačima igara na sreću koji imaju odobrenje Federalnog ministarstva finansija na području općine Jablanica može se odrediti radno vrijeme svakim danom od 07:00 do 23:00 sata.

4. KRITERIJI ZA DRUGAČIJI RASPORED RADNOG VREMENA

Član 8.

- (1) Nadležna Služba Općine Jablanica može, na zahtjev pravnih i fizičkih lica iz oblasti trgovine, ugostiteljstva, obrta, putničkih agencija i ostalih na području općine Jablanica, odrediti drugačiji početak, trajanje i završetak radnog vremena u određenim slučajevima, vjerskim i državnim praznicima, proslavama matura, svadbi i slično, te u vrijeme turističke sezone (od 1. maja do 30. septembra), najduže do 02:00 sata, uz puštanje i izvođenje muzike.
- (2) Za vrijeme održavanja manifestacija i koncerata na otvorenom određuje se drugačiji raspored radnog vremena i to najduže do 02:00 sata.

Član 9.

(1) Nadležna Služba Općine Jablanica donosi rješenje za svaki pojedinačni slučaj o drugačijem rasporedu radnog vremena, a na osnovu pismenog zahtjeva podnijetog najmanje 5 (pet) dana prije nastupanja slučaja zbog kojeg se traži drugačije radno vrijeme razmatrajući sve činjenice opravdanosti zahtjeva.

(2) Rješenja za produženo radno vrijeme i rješenja za izvođenje žive muzike izdaju se jednokratno.

(3) Na zahtjev vlasnika trgovačkih, obrtničkih i ugostiteljskih objekata, drugačiji raspored, početak i završetak radnog vremena može se odobriti u objektu koji svojim radom ne narušava javni red i mir i pridržava se radnog vremena, što dokazuje potvrdom nadležnog inspektora i nadležne policijske stanice, te ako u ugostiteljskim objektima u sastavu ozvučenja imaju ugrađen limitator - graničnik zvuka.

(4) Rješenje nadležne Službe Općine Jablanica prestaje važiti ako nadležni Općinski inspektor ili nadležna Policijska stanica utvrdi da je došlo do narušavanje javnog reda i mira te propisanog radnog vremena.

III NADZOR

Član 10.

Nadzor nad primjenom ove Odluke provodi Služba za opću upravu, društvene djelatnosti, socijalna pitanja, boračko - invalidsku zaštitu i zajedničke poslove Općine Jablanica putem nadležnog inspektora i Policijska stanica Jablanica.

IV KAZNE NE ODREDBE

Član 11.

(1) Novčanom kaznom od 1.000,00 KM do 3.000,00 KM kaznit će se pravno lice ako ne istakne i ne pridržava se radnog vremena u skladu sa odredbama člana 4, člana 5. i člana 7. ove Odluke.

(2) Za prekršaj iz prethodnog stava kaznit će se odgovorno lice u pravnom licu novčanom kaznom od 500,00 KM do 1.000,00 KM.

(3) Za prekršaj iz stava (1) ovog člana kaznit će se fizičko lice - zaposlenik novčanom kaznom od 200,00 KM do 500,00 KM.

Član 12.

Novčanom kaznom od 500,00 KM do 1.000,00 KM kaznit će se fizičko lice - poslodavac ako ne istakne i ne pridržava se radnog vremena u skladu sa odredbama člana 4, člana 5. i člana 7. ove Odluke.

Član 13.

(1) Novčanom kaznom od 1.000,00 KM do 10.000,00 KM kaznit će se za prekršaj pravno lice iz člana 6. ove Odluke, ako se ne pridržava istaknutog ili propisanog radnog vremena u skladu sa odredbama člana 6, člana 8. i člana 9. ove Odluke.

(2) Za prekršaj iz prethodnog stava kaznit će se odgovorno lice u pravnom licu novčanom kaznom od 500,00 KM do 2.000,00 KM.

(3) Novčanom kaznom od 500,00 KM do 1.500,00 KM kaznit će se za prekršaj fizičko lice - poslodavac iz člana 6. ove Odluke, ako se ne pridržava istaknutog ili propisanog radnog vremena, u skladu sa odredbama člana 6, člana 8. i člana 9. ove Odluke.

(4) Za prekršaj iz stava (3) ovog člana kaznit će se fizičko lice - zaposlenik novčanom kaznom od 200,00 KM do 500,00 KM.

V PRELAZNE I ZAVRŠNE ODREDBE

Član 14.

Stupanjem na snagu ove Odluke prestaje da važi Odluka o radnom vremenu trgovačkih, ugostiteljskih, obrtničkih i srodnih radnji i djelatnosti na području općine Jablanica („Službeni glasnik Općine Jablanica“, broj: 8/19).

Član 15.

(1) Ova Odluka važi do 31.12.2024. godine.

(2) Po isteku šest (6) mjeseci od stupanja na snagu Odluke, nadležna Općinska služba je dužna izraditi izvještaj o realizaciji i učinku iste, kao i eventualne izmjene i dopune predmetne Odluke u skladu s nalazima iz izvještaja, te iste dostaviti na razmatranje Općinskom vijeću Općine Jablanica.

Član 16.

Ova Odluka stupa na snagu osmog dana od dana objavljivanja u „Službenom glasniku Općine Jablanica“.



PREDSEDavajući OV-a
Enir Muratović, BA ing.grad.